



Clypevs Theologiæ Thomisticæ

Continens Tractatus de attributis, de visione Beatifica, de scientia Dei, ac
de ejus voluntate, & Providentia

Gonet, Jean-Baptiste

Parisiis, 1669

Art. VI. An Deus ut est in se videri possit, nullâ visâ creaturâ possibili in
particulari?

[urn:nbn:de:hbz:466:1-77232](#)

DE OBJECTO VISIONIS BEATIFICAÆ. 177

transfundetur ad speciem, ut supra dicebamus loquentes de cognitione.

78. Dices: Non stat Deum quidditativè contineri in specie finito modo ipsum repræsentante, quia Deus infinitus est: Sed collectio possibilium etiam est infinita: Ergo nequit quidditativè contineri in specie illam repræsentante modò finito.

Respondeo distinguendo causalem Majoris: Quia infinitus est, utcumque, nego Majorem. Quia infinitus est in ratione quidditatis, concedo Majorem. Similiter distinguo Minorem: Collectio possibilium est infinita in multitudine, concedo Minorem. In ratione quidditatis, nego Minorem, & Consequentiam.

Ratio autem discriminis inter utrumque genus infiniti est duplex. Prima, quia species quidditativè repræsentans objectum, debet esse ejusdem immaterialitatis cum illo, saltem quoad gradum, ut disp. 2. art. 1. ostensum est: implicat autem speciem finitam convenire cum Deo in gradu immaterialitatis; quia, ut ibidem dicebamus, gradus immaterialitatis divinæ, nedum materiam physicam, verum etiam metaphysicam, id est potentialitatem omnem, excludit; quæ exclusio nulli entitati creatæ & finita potest competere: non autem repugnat entitati finita, cum tota collectione possibilium, quantumvis sit infinita, in gradu immaterialitatis conuenire; & ideo non repugnat entitati finita, totam collectionem possibilium repræsentare quidditativè.

Secunda ratio discriminis est, quia species quidditativa petit univocam convenientiam cum objecto repræsentato, ut loco citato cum D. Thomas demonstravimus: repugnat autem convenientia univoca entitatis finitæ cum Deo, non autem cum tota collectione possibilium; & ideo implicat quod species entitati finita, repræsentet Deum quidditativè; non autem quod species finita entitatib; totam collectionem possibilium quidditativè repræsentent.

79. Objicies terciò: Si cognitionis omnium possibilium extra verbum, esset possibilis, deberet attribui animæ Christi, cum ipsi tribuenda sit omnis perfectio possibilis, cum majori perfectione non incompossibilis, ut docent Theologi in Tractatu de Incarnatione: Sed cognitionis omnium possibilium extra verbum, animæ Christi non conceditur à Theologis; immo ipsi expressè denegatur a D. Thoma, quæst. 20. de verit. art. 5. ad 1. verbis supra in prima probatione conclusionis relatis: Ergo talis cognitionis possibilis non est.

80. Respondeo negando sequelam Majoris, est enim inconveniens quod plura cognoscantur ab anima Christi Domini, per scientiam rerum extra verbum, quam per cognitionem rerum in verbo; unde cum anima Christi non cognoverit in verbo, per scientiam beatam, totam possibilium collectionem, ut §. 1. ostendimus; dicendum est quod pariter illam non cognovit extra verbum, per scientiam infusam. Ad probationem in contrarium dico, quod licet animæ Christi attribuenda sit omnis perfectio possibilis, que illius modo connaturali operandi non opponitur, illa tamen que modum connaturalem operandi ipsius non servat, ei concedenda non est: talis autem est omnium possibilium cognitionis extra verbum, quia ut docet D. Thomas 3. p. quæst. 11. art. 4. connaturalis est animæ Christi, ut recipiat species minus universales, quam illæ qua fuerunt inditæ mentibus Angelorum; unde cum omnium possibilium cognitionis haberi nequeat ab ani-

A ma Christi, absque specie in illa recepta, quæ universalior sit specibus mentibus Angelorum infusa, cognitionis totius collectionis possibilium extra verbum, non est consentanea connaturali modo operandi animæ Christi.

ARTICVLVS VI.

An Deus ut est in se videti possit, nullâ visâ creaturâ possibili in particulari?

V Azquez hic disp. 50. cap. 4. in eo dicit esse repugnantiam, quod ex una parte Thomista afferunt videri creaturas in Deo, ex vi visionis divinae essentia, & ex altera dicunt visum Deo posse nullam creaturam possibilem in particulari videri. Nihilominus

Dico breviter, non implicare quod Deus ut in se est videatur, nullâ visâ creaturâ possibili in particulari.

Probatur: Omnipotencia divina multò magis est absoluta & independens à qualibet creatura in particulari, quam virtus vel potentia creata, à suis effectibus, vel objectis materialibus: Sed causæ & virtutes creatae, possunt in se videri, & quidditativè cognosci, non visis in particulari illarum effectibus, aut objectis materialibus; ut constat in potentia visiva, quam possumus quidditativè cognoscere, tametsi nullum colorem in particulari ab ea visum percipiamus: Ergo à fortiori potest Deus quidditativè cognosci & videri ut in se est, nullâ visâ creaturâ possibili in particulari.

C Confirmatur primò: Ad cognoscendam quidditativè omnipotentiam divinam, non debent omnes creature possibles in particulari in ea cognosci; alioquin illa non posset videri & quidditativè cognosci, nisi comprehendenderetur: Ergo neque aliqua determinatè debet videri. Consequens patet, non est enim major ratio, cut una potius debet videri, quam altera.

D Confirmatur secundò: Divina essentia est ratio cognoscendi creature possibles, ad eum modum quod principium demonstrationis est ratio cognoscendi conclusiones, ut docet D. Thomas hic art. 8. nam creature possibles sunt tantum virtualiter aut eminenter in Deo, sicut conclusiones in principio: Ergo sicut principium alicujus demonstrationis clarè in se videri potest, nullâ visâ conclusione in particulari & determinatè ita & divina essentia, nullâ visâ creaturâ possibili. Quare idem S. Doctor ibidem in resp. ad 4. si solus Deus videretur qui est fons totius esse & veritatis, ita repleveretur naturale desiderium sciendi, quod nibil aliud quereretur, & videntis Deum, esset beatus: Vnde dicit Augustinus 5. Confess. Infelix homo qui scit omnia illa, scilicet creature, te autem nescit. Beatus autem qui te scit, etiam si illa nesciat. Qui vero te & illa novit, non propter illa beatior est, sed propter te solum beatus.

E Objicies primò: Si aliqua ex creaturis in particulari redderetur impossibilis, omnipotencia Dei desiceret: Ergo illa est connecta cum possibiliitate cuiuslibet creature in particulari, & consequenter non potest in se videri, & quidditativè cognosci, nisi creature possibles in particulari videantur.

Respondeo, quod licet desiceret omnipotencia Dei ex defectu alicujus creature possibilis (non quidem per locum intrinsecum, sed extrinsecum;

81.

82.

83.

id est ab extrinseco & à posteriori colligeretur de-
structa) tamen ad illam quidditativè cognoscen-
dam, non requiritur quòd in particulari constet,
hanc vel illam creaturam esse possibilem (alio-
quin , ut suprà dicebamus , deberent cognosci
omnes creature possibles in particulari; cùm non
sit major ratio cur una potius debeat cognos-
ci ut possibilis , quam altera) sed sufficit quòd
constet totam collectionem creaturarum in com-
muni esse possibilem, & nullam ex illis reddi pos-
se impossibilem.

84. Objicies secundò : Si daretur aliqua visio bea-
ta, qua nullam creaturam in particulari videret,
talvis visio esset omnium possibilium minima, nul-
lumque haberet gradum intensionis : Sed hoc di-
ci nequit : Ergo nec illud. Sequela Majoris pró-
batur : Visio beata dicitur, major vel minor , in-
tensione aut remissiore, ex hoc quod plures vel pauci-
ores creature possibles in essentia divina clare
visa cognoscant : Ergo si sit possibilis aliqua, qua
nullam omnino in particulari attingat, erit omni-
num minima , & absque ullo gradu intensionis.

Respondeo negando sequelam Majoris, inten-
sio enim vel remissio visionis beatificæ, non at-
tenditur solum penes hoc quòd plures vel pauci-
ores creature possibles in essentia divina cog-
noscant, sed etiam penes hoc quòd magis vel mi-
nus clare essentiam divinam, ejusque attributa
videant: unde si daretur aliqua visio, qua nullam
creature possibilem in particulari cognosceret,
non esset tamen omnium minima, quia possent
dari alia , qua minus clare & perfectè divinam
essentiam, ejusque attributa cognoscerent.

85. Ad perfectam tamen nostræ assertioris intel-
ligentiam , & plurium argumentorum solutio-
nem, observandum est, quòd licet Deus ut in se
est videri possit, nullà visà creaturæ possibili in
particulari ; non potest tamen quidditativè cog-
noscari, nisi videatur ratio entis possibilis & crea-
bilis in communi : necessario enim videri debet
ejus omnipotencia, scientia simplicis intelligentie,
& eminentialis continentia creaturarum, que
sine ratione entis creabilis & possibilis in com-
muni cognosci nequeunt. Item non potest videri
in Deo ratio ideaæ & exemplaris , nisi videatur
ideatum in communi , & ipsa divina essentia, ut
imitabilis & participabilis à creaturis.

ARTICVLVS VII.

*Quas creaturas de facto beati videant in
verbo, & unde diversitas eas videndi
proveniat?*

§. I.

Prima pars quesiti resolvitur.

Dico primum: Beati vident in verbo omnia my-
steria nostra fidei.

86. Probatur conclusio primum quia visio beatifica
est dos animæ, succedens fidei; sicut comprehen-
sio spei, & fructus charitati; unde ea omnia
qua nobis hic obsecrè revelantur per fidem, bea-
tis in patria manifestantur in verbo, juxta illud
Prophetæ Psal. 47. *Sicut audi-vimus, sic vidimus
in civitate Domini virtutum.* Cui etiam consonat
illud Augustini 20. de civitat. cap. 21. *Quid vide-
bimus nisi Deum, & omnia illa qua nunc non vi-
demus credentes?*

87. Secundò, Propositis rebus fidei, justæ & ratio-

A nabiliter quilibet fidelis desiderat illas viderè;
unde cùm beatitudo sit perfecta quies, & integra
satietas omnium iustorum desideriorum, beati
in essentia divina clare visa, vident omnia my-
steria qua hic in via per fidem crediderunt.

Tertiò, Cùm Theologia nostra sit subalterna-
ta scientia Dei & beatorum, & scientia subalter-
nata appetat ad sui perfectionem conjungi subal-
ternanti, & in tali coniunctione habere eviden-
tiā suorum principiorum, ut exposuimus art. 2.
disputationis proemialis: oportet quòd Theolo-
gia nostra habeat in patria evidentiam mysteri-
orum fidei, qua sunt principia ex quibus (ut est in
nobis viatoribus) suas conclusiones deducit.

B Adverendum tamen est primò, quòd licet
beati videant in verbo omnia mysteria fidei,

quantum ad substantiam, non tamen est ne-
celle, quòd illa videant, quantum ad omnes
circumstantias temporis & loci, ut constat de re-
surrectione, & ultimo iudicio, de quo dicitur
Marci 13. *De die autem illa nemo scit, neque
Angeli Dei in celo.* Item licet Angeli à principio
sua beatitudinis cognoverint in verbo mysterium
Incarnationis, quantum ad substantiam, ut docet
S. Thomas 1.p. quæst. 57. art. 5. ad 1. & 2. 2. quæst. 2.
art. 7. ad 1. non tamen secundum omnes rationes,
aut circumstantias illius, sed processu temporis de
illo fuerint edociti, non quidem intra verbum

C (cùm visio intra verbum invariabilis sit, & non
crescat successu temporis, ut infra dicemus) sed
extra verbum, per speciales revelationes & illu-
strationes. Unde S. Dionysius 7. cap. cœlestis
Hierarchie inducit cœlestes mentes, quæsti-
onem facientes animæ Christi, de suscepito pro no-
bis opere, & ipsum Jesum eas docentem ac illu-
minantem.

D Avertendum est etiam, illa mysteria qua in
unico tantum individuo complentur, ut myste-
rium Incarnationis, maternitas Beate Virginis,
& similia, viso illo individuo in essentia divina
videri; illa verò qua complentur in pluribus in-
dividuali, licet videantur omnia, non tamen vi-
debuntur in vnoquoque individuo. Et si licet
omnes beati videant sanctissimum Eucharistie
Sacramentum, non tamen vident omnes hostias
quas quotidie consecrant sacerdotes. Et quamvis
omnes videant mysterium Resurrectionis, non
tamen videbunt omnes resurrectos, saltem omnes
damnitos: nam quantum ad beatos, rationa-
bile est ut se omnes videant, & diligant, utpote
socios, & consortes ejusdem beatitudinis.

E Dico secundò, Quilibet beatus vident in essentia
divina totum universum, prout includit suas par-
tes principales, ut cælum, & elementa, ac omnia
genera, omnisque species rerum creaturarum,
tam spiritualium, quam corporalium, cum ipsa-
rum proprietatibus; & tandem omnia singularia,
qua per se pertinent ad ornatum & perfectionem
universi, & sunt partes principaliores illius. Ita
docet D. Thomas h[ab]it. art. 8. ad 4. his verbis: *Natu-
raliter desiderium rationalis creatura est ad sci-
endum omnia illa que pertinent ad perfectionem in-
tellectus. Et h[ab]eunt species & genera rerum,
& rationes earum, qua in Deo quilibet videbit
videns essentiam divinam.*

Luculentius eandem veritatem declarat 3. contra
Gentes cap. 59. ratione 1. his verbis. *Quia vi-
sio divine substantiae est ultimus finis cuiuslibet
intellectualis substantiae; omnis autem res cum
pervenierit ad ultimum finem, quiescit appetitus
eius naturalis, oportet quod appetitus naturalis*